



隆杏公傳

莫公諱隆杏字雲茂瑞榮公子也瑞榮公積善能文以義方教子公幼承庭訓髫髻有成人風年十九失怙喪葬如禮事母王孺人四十餘年晨昏色養能得其懽心公爲人忠信有幹濟才遇里中公事不辭勞勩與人謀必殫其心張蘭橋歲久傾圯里父老具呈請于邑侯謀重建公奉諭董其役計工作量事期度財用與里耆協辦纖悉無遺人咸服公之公且敏配高墜蔣氏早卒繼室以大勝王氏有婦德生二子長

能學次能仁女子四人孫二人公教子孫以勤儉嫁
女娶婦必務敦樸公乾隆庚午九月初九日生嘉慶
丁丑七月初五日卒享年六十有八子孫皆謹慤克
世其業

昔

道光歲在丁亥仲夏月

廩膳生吳辰薰沐拜撰

外舅大人惟翁壽序

古人有言壽不可必福不可期而詩則曰自求多福
夫壽爲五福之尊福旣可以自求則壽亦可必矣傳
曰大德者必得其壽此明徵也今以予外舅大人
觀之益信翁爲予先大人外家中表而長翁四
歲曾同門極相契數相往來兩大人恐兩情之久
而或疎也因締姻焉旣而先大人謂予曰而岳長
者耿介剛直無不欲人入於善善分割廉信慈仁著
於鄉里又穎悟幼時就學師傅不勞授書卽能成誦

義理易曉字跡端厚惜數奇未能成就而業農今雖
貧後必富且得壽爾勉之毋辱爾 岳時子年十五
後四年先大人辭世休五年始得執半子禮見又二
年訓蒙於 翁處而 翁之行誼遂日新予之耳目
矣 翁之治家也法嚴辭厲舉家嗃嗃中外肅然其
於鄉黨宗族中與人子言孝與人弟言恭勉人以勤
責人之惰遇不肖者與不平事卽睜碧眼切齒唾責
洸潰交加一如處家人狀其人能改便由然與處紛
爭者赴愬翁人翁以片言排解兩造帖然與人要久

而不忘履危難不知退避由是信孚於人有重金之約皆欲得 翁之要經費之事皆願得 翁爲宰

翁之見重於人如是方予之始趨 翁庭也予外姑

周孺人多病妻弟之長者方冠餘子女多幼祖基薄食者衆 翁衣敝食藿孜孜汲汲日夜辛勤錙積銖累六旬餘天休始至田園乃啟堂構聿增當此之時以常人處之非驕即吝而 翁則自視歆然推解轉移責債取租絕無守錢虜氣此皆予所習見聞鄉里所熟道一一與先大人脗合者也今年已七十有

六矣而素履不渝跋涉飲食勤書寫喜披閱精神爽
健一如盛年嗣君三皆志高而氣揚孫已八亦岐嶷
可愛是非積累之深頤養之至而得天培植之厚者
不能也海屋添籌寧有限量哉今年夏翁族續修
家乘懃言善行靡不畢錄予念翁之行誼足以爲
人之楷法也先大人之言不爽也因列書之附于編
末以爲福自己求壽究可必之一證焉耳是爲序
道光歲次丁亥清和月

子婿潘華國百拜謹撰

春芳公暨施孺人傳

公姓莫氏諱隆綦字春芳世居邑東之沽瀆里父士
學公生二子公其次也公生而岐嶷頗聰穎士學公
特鍾愛之爲訪名師從學十餘年出應試屢不售遂
絕意進取然鄉里諸名士爭延至家塾課兒孫其積
學有如此性孝友事父母惟謹奉甘旨承色笑晨昏
定省無間寒暑又克恭厥兄和裏共濟不聞詬誶聲
其盡倫有如此且慷慨好義遇公事輒踴躍爭先村
西有福善菴公修葺之塑佛像裝金采菴前有張瀾

五
卷十
橋歲久將圯撤而新之其幹事有如此公爲人中正
剛直謹然諾重久要與豪華相接不肯作委阿態凡
里中曲直一經剖析人胥帖服其處世有如此具此
衆美而又能擴克家業漸臻蔗境洵可以傳世矣德
配施孺人溫恭淑慎善相夫子允稱內助子四人皆
老成練達克紹箕裘女一適名門孫男七人已頭角
嶄然公之食報殆未艾云至生卒葬詳世表茲不贅

八
道光歲次丁亥仲夏月

邑庠生吳琛拜撰

攀桂公傳

公姓莫氏諱隆彩字攀桂坤凡公子也世居古瀆里
爲宜興望族代有令德美不勝書公性醇樸不喜浮
華習耕作雖嚴寒酷暑未嘗少懈其居家也朝夕恪
勤儉而有禮事無鉅細悉歸於正其事親也晨昏定
省菽水盡歡克循子職無忝所生其訓子也延師課
讀極誠且敬教以義方弗納於邪其與入也不矜才
不使氣解推周急族里稱之公家業雖不豐然上事
父母下撫兒女婚嫁以時費用浩繁卒能恰守先業

不墜家聲藉非英敏強幹機警過人曷克臻此享年
五十有九以壽終德配張孺人本名風女夙嫻姆訓
克勤婦職子三長壽南次京南次順南皆諳練有幹
才女一適各門諸孫男繩繩鵠起者復爾昌爾熾焉
丁亥仲夏莫氏修家乘京南君念先父之劬勞述其
事而請書之孝思亦可尙也

昔

道光歲次丁亥仲夏月

荆溪廩膳生丁汾拜撰

乾元表叔序

聖人云見義不爲無勇也夫義之於人大矣哉精之
爲仁人君子之入神顯之爲名臣傑士之致用充之
爲天地浩然之氣散之爲夫婦致命遂志之心以及
一時豪俠若朱家郭解等慷慨激昂狗人急難否則
如蘓氏之作譜立亭歐陽氏之編年紀月亦皆以義
所當爲許之蓋事雖纖微莫不有義存焉余嘗操此
意以默觀於稠人廣坐中如余表叔乾元者其庶乎
叔姓莫氏父諱耆年早歲卽世其母錢氏守節教子

成立及弱冠棄詩書務農業摒擋家事奉母得其歡
心遇弟坤元亦甚友愛其處家庭間無不得其宜也
前明莫氏八世祖少川公蠲貲建社瀆橋獨肩鉅任
自後屢次莫氏修葺至國朝嘉慶己卯年橋又傾圮
叔念行人艱步病涉可虞且思祖宗之功德不可泯
奔告族長及伯叔兄弟輩議捐重建叔獨傾囊蠲百
十餘緡以藏歲其事使非餘財仗義而沾沾一得者遑
問祖宗之志所當繼行旅之苦所宜恤哉是可愧世
之見利而遺義者矣卽今纂修家乘又足徵叔之勇

于爲義莫氏譜修于嘉慶五年歲次庚申迄今二十
八載矣年遙月久不惟人之生卒無稽且將族之昭
穆難辨叔因汲汲焉日以譜事銘心糾合子姓創議
重修付之剞劂此亦義氣之克積于中發而爲孝思
者也至于瑣屑之事雖有勇義處亦無庸縷述焉第
著其數大端質諸古之好義者當亦無多愧云

昔

道光歲次丁亥清和月

眷姪芋香邵蘇門拜稿

莫母王孺人六十豫慶序

戊申之歲某月之靈辰爲莫母王孺人設輓之期是日也天朗氣和祥風披拂羣從連袂以趨僚壻接踵而至凡係戚屬莫不駢臻予忝葭莩時亦在坐方思遞舉觴以祝嘏孺人旋避席而固辭曰未亡人賦命坎坷中道孤孀幼乏少君之訓老深婺婦之憂操曰杵於吳下鴻飛已冥感楊柳於陌頭石嗟未化縱陌上提筐意切鳴鳩之拂谷中采葛心摧灌木之覃迺宜家多缺陷固有愧於懷清令噐未觀成更抱慚於


真孟兼之日夜紉鍼徒增綻裂抑且賓朋飲食空嘆
咄嗟是真護老北堂孝虧東海荻灰南國誨闕歐陽
者矣更何事乎祝嘏之虛詞於是羣從肅然酌酒以
進曰孺人所言皆有德言也但昔也老姑在堂弱息
在下今則婦也爲姑子也抱孫而猶肄勞如遇故畏
逸若避仇此善心生也天道福善敢以此爲孺人卜
諸僚壻又酌而進曰分居半子不敢文辭觀牌合之
椎髻白安知荆釵裙布訓迪有素已敬以此爲孺人
壽予及戚屬又酌而進曰孺人好勞而惡逸謹小而

慎微苟無卓職安有定力乃自晦若斯自謙如此謙
必受益晦且用明願孺人永守勞謙之心俾獲無疆
之益敢以此爲孺人慶孺人斂衽遜謝曰勞爲已職
敢不勉諸福履所綏惟德是視自思不德非所望也

昔

道光歲次戊申孟夏月叅

眷姪邵蘇門頓首拜稿



Faint vertical text columns, likely bleed-through from the reverse side of the page. The characters are difficult to decipher due to fading.

志和莫公家傳

公姓莫氏諱隆德字志和若愚公次子也幼聰慧讀書別有會悟及長好習堪輿家術相陰陽觀流泉無不奇中公雖不以是爲業而一時之專是業者胥踵門就正焉公少孤事母周孺人以孝稱家素充裕凡錢穀出入悉稟母命外務頗繁冗公一身任之未嘗貽母氏憂兄早世與弟同處式好無尤幼課讀長擇配公爲之盡禮後雖析產分居猶和衷共濟不分爾我終其身相友愛也公爲人樸誠寬厚持身以敬處

世以和又慷慨好義遇公事輒踴躍爭先如福善菴
之修葺張瀾橋之修建公亦與有勞焉享年五十有
八以壽終元配沈孺人柔順有壺範繼配史孺人善
相夫子爲公賢內助子二皆克家女四並適名門孫
五亦復俊美易曰積善之家必有余慶其公之謂與
今歲夏公族輯譜其子書元請傳於余余卽其所述
者而爲之傳

道光歲次丁亥仲夏上浣之吉

邑庠生蔣榮黻拜撰


莫母史太孺人傳

盧光諭

孺人史公漢揆女志和公配也有至性善排解能言而不涉纖巧公素豐於業孺人操內柄數十年境之豐者益豐固自辛苦節嗇中來也而經畫區處有非田家婦所能望其項背者可歷道其心神之所繫志和公有弟志嘉旣娶嫌婦粗厲出之公怒責不聽孺人潛至婦所教以和婉導以精潔旋謂夫弟曰試令叔妯還保無前日相忤也強來之家果相洽生一女復幸生男久之橫氣交作詬詈之聲徹戶外志嘉悔

真氏宗譜 卷一
恨填胸誓不與之共晨夕孺人乃勸公令其弟撥田
數畝納婦於宅後隙宇戒之曰善撫此呱呱者父子
無相違之理卽夫妻無終絕之情也奈志嘉迂僻性
成妻子一途不稍顧志和公捐館後志嘉更無人世
想迂僻者變而顛狂動欲入南山居深寺中與高僧
爲儕伍孺人知之囑兒孫密爲防衛無使遠出無何
靜夜離家令兩子書元佑元覓之無跡是時志嘉子
順九年已十五六矣乃急爲叔姒娶媳冀成家室孰
意數際其窮娶未數年母子相繼而殂孺人令次子

佑元之次子兆貴承祀然終鬱鬱於中飲食大減困
厄之逼不特此也長孫東林耕讀居半發奇疾死長
孫媳談氏義同生死抱竒節殉而孺人亦老病不起
矣卒年七十有八子二孫五曾孫七嗚呼當志嘉夫
婦分離之會非孺人能言烏能復合合而復離非孺
人善排解烏能使叔姒母子均安而要皆至性發爲
苦情者也



Faint vertical text columns, likely bleed-through from the reverse side of the page. The characters are mostly illegible due to fading.

南行公傳

予少好古文觀晉李密陳情篇讀其辭懇摯悱惻未嘗不想見其爲人夫子之於親生則養死則塋送終而後可已至不幸身先親喪養葬之事將轉屬之其子而爲之子者宜何如竭力何如致哀以仰副其親之心而代盡其親之職乎今予觀于莫氏南行公而竊嘆古今人正未始不相及也公諱隆緒南行其字也公父希德公生三子公居長次如爵早歿幼佑全十三歲而孤公幼卽出嗣長伯希曾遭伯母撫養不

數年而伯母又卒公哀毀逾禮一如所生祖母方年六十餘公及孺人盧氏奉養倍至脫簪珥供甘旨數十年未嘗有倦容公嘗對孺人而言曰吾不幸早孤不獲事吾父又以冢嗣義出繼長伯嗣母周復中道去世吾卽欲稍盡人子之誼而祭而豐不若養之薄今幸上有祖母福蔭孫曾宜勤定省親色笑備修髓庶幾承歡膝下稍贖前愆在吾與汝汝其協力言及此孺人亦泣數行下莫能卒對公所受嗣田八十餘畝幼時經次伯希昌代理及長祇存三十餘畝復與

次伯均分卒未嘗有怨言友愛幼弟佑全以養以教
俾克成立書有云惟孝友于兄弟其即公之謂乎祖
母方壽終八十有五喪葬之事公獨任之如事生然
絕不推諉公生於乾隆戊子十二月二十一日卒于
嘉慶庚辰十月初三日享年五十三歲生一子泰宜
道光歲次丁亥清和月

賜進士出身敕授文林郎候選知縣史紹聞撰


蘇軾字子瞻，眉山人也。少與兄蘇洵、弟蘇轍俱有文名。軾為文，博學宏詞，汪洋恣肆，見者驚服。嘉祐初，召試館職，對策高第，授秘書省校書郎、權知制誥。

軾嘗言：「君子居則貴道，窮則安命。道之於身，猶水之於木也。木無水則枯，身無道則死。故君子必先立其志，後從之。」

軾嘗論：「君子之於學也，如渴飲水，如飢食飯。學之於人，猶水之於木也。木無水則枯，人無學則死。故君子必先立其志，後從之。」

軾嘗論：「君子之於學也，如渴飲水，如飢食飯。學之於人，猶水之於木也。木無水則枯，人無學則死。故君子必先立其志，後從之。」

軾嘗論：「君子之於學也，如渴飲水，如飢食飯。學之於人，猶水之於木也。木無水則枯，人無學則死。故君子必先立其志，後從之。」



莫天壽公家傳

公莫姓諱隆受字天壽宗新公之次子也賦性穎敏卓犖不羣成童後因家况清貧不欲以生產事貽二人憂廢舉子業經理家務朝夕得甘旨敬獻高堂而自奉則泊如也及至父歿家事悉行執管不以艱難貽兄蓋公爲人有幹局秉心尤正直子姓輩偶有游蕩習消遣事者公勸諭之復嚴禁之嗣後里中帖然人莫敢干鄉黨有糾紛事必就公相質公力爲排解無不各得其意以去文昌帝君爲司文之主里中業

儒者苦無展禮之所公爲設法造屋塑像開光俾廟
貌巍然瞻之者誦讀益勤其遇他公事踴躍爭先殆
不可枚舉焉晚年爲宗長每以尊祖敬宗訓幼小輩
又以宗祠將傾公竭力措資鳩工七材令族中子姪
均協力襄事不數月煥然一新厥後祖宗安於寢子
孫拜於庭皆公之力也公壽登八十有克家子一德
配施孺人呂孺人吳孺人丁孺人皆習蠶桑謹織紵
克勤克儉人謂賢內助云戊寅歲莫氏纂修宗譜其
姪孫輔臣乞傳於予予素欽公之爲人何敢不以文

辭因次其崖略至生年卒葬已詳世系中茲不復贅
論曰考之成周九兩繫邦國之民五曰宗以族得民
蓋古之大宗必德而兼才者以之統攝子姓故禮俗
刑而教化成也若公者雖不必敦詩說禮而敬宗收
族古處是敦以視世之號爲文人而浮華不根者其
相去何如也詩曰民之質矣日用飲食公眞今之古
人哉

光緒歲次戊寅孟夏之月丁卯科舉人揀選知縣世
姪纘侯吳緒鴻拜撰

陸隆智公傳

公諱隆智字增茂號景山其祖務農父業商並不讀書爲憾公生而聰穎嶄然見頭角當嬉戲時卽不樂與常兒爲伍比就外傳凡所講貫敏悟過人其父方自慰曰此子雖非出衆之才吾家書香一脉庶幾有望矣公聞之不特無可喜且以爲憂深恐負先人之志也益自奮勉不敢以晝夜懈其功不敢以寒暑荒其業可謂有志於學矣夫以公之天姿而又加以刻苦卽增步青雲亦不爲過而況僅僅欲博一衿豈轉

謂之倖獲哉無如天意不可知人功亦不足據屢應
試終不可售是何高登黷序之難也得毋天將老其
才而使之大有爲耶抑有命焉而非人力之所能強
耶噫是誠可測而不可測也歲在壬戌髮逆擾攘吾
邑公竟罹其毒矣嗟乎公之才質如是公之勤敏又
如是而彼蒼乃厄其遇復斲其年是何數之奇也公
之族有名肇基者嘗從學於予從祖慰農公與予爲
同門能詳言公之生平今續纂家乘公之子泰恒命
鶴林友兄囑予傳公因卽肇基之所道及者而謹誌

之

光緒四年歲次戊寅孟夏吉日一廩貢生候選訓導崔鑑

瀛頓首拜撰





[Faint, illegible vertical text, likely bleed-through from the reverse side of the page.]

隆舜公暨裴孺人傳

有可法於身前者未嘗不傳於身後既得傳於身後者類皆無虧於身前故夫舜有典禹有謨湯武有誥下此而爲詩書克家者乃有傳

公

諱

隆舜字榮俊


宗明公之長子也少敏慧肄業詩書淑配裴孺人有令德克敦婦道戊寅夏莫氏重修家乘公姪天保與余契屬傳於余余曰傳非妄作公何如人而漫云傳耶天保慟然曰公與孺人去世二十餘載予未甚識聞之先父謂公素端莊克敦倫兼睦族好讀書至老不倦

考試亦屢列前茅無一不以孝慈爲本宗族間甚重
之孺人內修中饋敬舅姑事蘋蘩堪稱佳婦宗族間
亦甚敬之迄今慈父見背雖云數載而聆是言宛然
如昨予確誌之況今有識公與孺人者尙嘖嘖稱道
不衰乎倘不爲之傳非惟負伯父抑亦無以見先慈
於地下矣余曰唯唯詩云窈窕淑女君子好逑爲公
與孺人詠焉謹尊君命何敢云辭畧陳數言未免漏
萬聊表公之實行并以見君之孝思云爾


昔

光緒歲次戊寅孟夏之月

卷 晚 生 金湘拜撰



不復乎倘不知之也非惟其伯父祖亦
 亦地不矣余曰唯唯詩云窈窕淑女其
 與獨人詠焉維其甘命何故云辭其
 西聊表公之實行非以見其
 武保德水與實益夏文以



隆紀公暨錢孺人祭文

嗚呼喬松易隕萌孽或起旁枝海水恒枯餘波終留
澤國或者有媯之後將育於姜物之兩大有傷天道
若夫不重生男漏重生女凡爲父母必無是心惟我
外舅隆紀公弱不好弄長更能仁初涉藝文爰知稼
穡外姑錢孺人以甲第之宗適詩書之族脫其簪珥
以奉舅姑勤其織紉以相夫子方期正位居室黽勉
同心欣葛藟之蔓延荷慶雲之光覆何圖門剛悅設
鏡竟鸞分遂使冲齡稚女失向日之萱花弱歲雛兒

倚病風之樁樹斯時也襁褓甫離呱呱而泣恩斯勤
斯驚子之憫斯然而閨中之月光或重圓掌上之珠
珍非孤露不料璧盈尺而璞碎悵鸞鵠之分飛珠成
穎而蚌剖痛龍蛇之見兆由是伯道無兒蔡雖有女
賴季父撫為猶子幸從晷呼曰女兄不然而煢煢子
立將棄之道傍莫為收卹今夫花能結子莫歎落花
女目為貞人求淑女待小子之委禽占季女之鳴鳳
朱陳結好風木增悲望遇人之淑弋鳧雁以戒鷄鳴
慶家室之宜傍鵲巢而安鳩拙春鴻秋燕墓木成拱

月夕花晨風徽愈邈承筐誌喜孤兒則侍膝何年擇
倩多情贅婿則識荆無自感傷人鬼之路殊惆悵幽
明之理隔無何夢卜熊羆兆徵蘭桂沐外家餘廕四
孕佳兒卜子姓蕃昌多舉秀子豈當年兩翁奪算知
天意之難回致今日一女宜男卜善人之有後江有
沱而漢有沔本一派源淵璧之合而珠之聯爲兩家
休瑞青出於藍不改其色外孫亦孫蛇化爲龍不變
其文半子亦子斯則形端者影直實茂者根深覘此
際之發祥諗先時之默相矣况乎公弟蜚聲文苑羣

莫氏宗譜
卷一
二
系圖
目爲龍公姪拔旆藝林咸推爲駿哲嗣挺生家聲遠
振象賢崛起門祚光昌將

恩綸寵錫澤及黃泉

誥制頻頒惠來天上焚黃墓側發潛德之幽光封贈
吾翁拜榮施於身後有不操券而得者哉緬想典型
應照心慤附爲私誄門人敢作譜年弟子椒醬一奠
庶品斯陳哀哉尙饗

光緒丁丑清和上浣

子婿錢品芝百拜謹撰

隆晉公傳

昌黎伯韓文公云莫爲之前雖美弗彰莫爲之後雖
盛弗傳然則行坊言表之士而不獲賢子弟爲之鴻
猷潤色淹沒不彰者古今來何可勝數鄉先輩隆晉
公諱景暄號吾東剛直人也主祭十餘載意欲輯修
家乘而有志未逮德配陳孺人繼配周孺人俱有壺
德公酣醉詩書郡縣試屢列前茅人皆稱之爲大器
然終見黜於宗匠年踰六秩白髮美鬚眉精神矍鑠
興會淋漓有考必至郡尊扎仁山夫子拔爲批首然

卒以數奇終嗚呼庸人冒時以取名而豪傑之士制
於命而不得少就其志遂多放達不羈以自抑其感
慨不平之氣以視公之爲人豈可同日而語哉公性
坦易絕不介介于功名能豪飲以酒爲樂每偕同志
五六人酣飲醉呼竟日不休或觀書獨酌鬱鬱胸懷
抗節肥豚浩歌自得時人皆以劉阮目之且率履謹
慎動遵禮法尤善解紛鄉隣詬誶爭訟公輒備酒勸
勉委曲調停人人解仇恨渙然水釋有以急難者卽
傾橐與之不少吝曰吾不效孟嘗之鑿窟而竊慕馮

煖之市義仰視飛鳶俯察流水意豁如也歲戊寅夏
族衆彙修宗牒公且卽世六載矣公之子天保適館
來訪備述先嚴行畧泣數行下未敢言傳而若欲傳
爲者余拂衣而起曰先輩吾東先生長翰三十有餘
歲翰嘗往拜先生以青眼視余嗚呼先生不負翰翰
實負先生矣翰未能操刀敢效學製誌公之行以光
家乘未敢潤色於萬一聊表知心於片箋云爾
光緒歲次戊寅孟夏之月

世姪邑庠生劉維翰拜撰

永壽...

寒寒...

其其...


其其...

其其...

其其...

其其...

其其...



泰開公暨王孺人合傳


吾聞之君子之孝於親者必使其親安樂壽考而後
可以無憾也若吾鄉莫氏隆行公可謂有子矣公之
子名泰開字寅初生而溫粹及長以孝稱兄弟間式
好無間娶王氏婉淑柔順事翁姑無失禮夫婦胥能
先志承意愉色怡聲率孫曾輩膝下迎歡嬉嬉如也
隆行公顧而樂之夫老者之精神欲其逸無欲其疲
欲其舒無欲其鬱力有所不周則疲情有所不適則
鬱既疲且鬱雖旺必衰孔子曰老者安之安之者欲


其逸而舒也疲且鬱則蹙逸且舒則長寅初夫婦並
能無拂於親使逸且舒故隆行公享其安樂壽考著
數十年至隆行公歿而寅初公年已五十餘矣公爲
人忠厚不屑屑於計較橫逆至可受者忍之不可受
者遠之而已故終身鮮涉訟庭事親甘旨必具玉孺
人脫簪珥弗吝也其自奉則布衣蔬食陶然自得親
喪後哀毀逾禮生丈夫子者五人迄今五子又各生
孫十三人公訓課率以義方子若孫皆能承順親意
孝養不異于公故公年六十有餘而不覺其憊也詩

曰孝子不匱永錫爾類寅初公有焉易曰家人貞吉
王孺人有焉

道光歲次丁亥清和月

賜進士出身敕授文林郎候選知縣史紹聞撰





同奉子不期來
 驗爾敢責時
 公許需長日
 衆人及吉

瑞和公傳

瑞和公者兆 屏兄父也公之父諱舜嘉母胡氏生子
三公居長不幸早歲失怙公年十六歲二弟瑞周甫
十三歲幼弟瑞豐纔七歲方是時母老弟幼家又貧
乏幾不克自存母泣告公曰遭此屯遭之境汝當自
勉毋爲人非笑凡世之勤而儉者先困後亨惰而侈
者先亨後困天道所必然也汝能服田力穡不辭勞
瘁日前之茹苦含酸吾自甘之公亦揮涕曰兒敬識
之不敢忘公爲人樸實敦厚率性而行雖未業詩書

能知大體事母藿食必敬待弟友愛必週率兩弟躬
耕雖酷暑嚴寒未嘗告悴自後家業稍裕公娶羅氏
生子一卽所云兆犀也又爲兩弟婚配兼能勤垣墉
塗墍茨俾各宅爾宅田爾田莫不安居樂業皆公之
辛苦中來也公奉母教而克家也如此吾知公之父
母含笑於九泉矣公卒於道光五年享壽五十八歲
兆犀克紹丕基無忝厥考生三子豐學豐德豐明見
公之貽澤孔修而未有艾云

魯叟邵氏謹撰


如達君序畧

如達莫君質直而伉爽與人交坦白無城府父春芳公產故不豐君率諸弟力耕以養父母春芳公蔗境優游君之力爲多兄弟析箸推肥受瘠爲諸弟婚娶悉中禮度古有孝弟力田之科君真其選矣君姊氏爲余弟媳往來甚稔今夏莫氏輯家譜耀尊姪囑予爲舅氏序其畧書以授之

畧

道光歲次丁亥仲夏月

眷弟潘在田拜草



伏惟引引乳岩特為致文

伏惟引引乳岩特為致文

伏惟引引乳岩特為致文

伏惟引引乳岩特為致文

伏惟引引乳岩特為致文

伏惟引引乳岩特為致文

伏惟引引乳岩

清源莫先生序

先哲有云乾坤清氣得來難又云扶輿清淑之氣蔚
而爲人才余之誦此言久矣未嘗敢以贈於人今於
清源莫翁竊願持以贈之矣莫氏系出鉅鹿世居沽
瀆里震澤繞其左銅峯峙其右山明水秀風淳俗美
而翁處其間殆得山水之清淑者歟翁聰慧幼好讀
書爲文章清真雅健有先輩風力出應童子試郡縣
屢拔前茅但數竒不偶於今未獲遊庠然教授邑中
生徒甚盛游其門者循循莫不有規矩其處家庭內


肅雍兼至侍高堂承色笑深得兩尊人歡性友愛兄弟怡怡推梨讓棗數十年如一日遇親知故舊又如春風風人久而彌篤鄉里有公事往往不辭勞勩措置咸宜人有忿爭不釋者必力爲排解不使訟涉公庭壬戌歲翁往東岸圩道拾遺物約值十餘金坐俟良久尋者不至乃攜歸後訪得其人胥一一還之無吝情亦無德色此尤事之難能而可貴者今歲夏莫氏輯家乘翁力肩其任凡經費出入接禮賓客以及編次纂錄校對諸務靡不井井有條其敬宗收族又

如此翁今年已五旬猶神明康健如少壯時德配沈
孺人柔順有則不愧孟光風範令嗣君咸英英玉立
克振家聲翁之集福正未可量也余知翁甚稔且義
無可辭爰不揣鄙陋而爲之序

昔

道光歲在丁亥仲夏月

眷弟史映烜拜撰



Faint vertical text columns, likely bleed-through from the reverse side of the page. The characters are mostly illegible due to fading and ghosting.

貴得莫翁暨德配王孺人七十一雙壽序

畫錦張筵華辰祝嘏觴傳眞府酌金液兮瓊膏石紀
弇山咏白雲兮黃竹十洲賦裏浮瑞無於東瀛五岳
圖中燭榮光于南戒花開四照瑤池舒七葉之祥景
麗重輪銀漢炳雙星之瑞如我貴得翁暨德配王孺
人者金吾後裔鉅鹿名家修兮儁烈夙標獨行之名
宣也淹長蚤擅通經之日陸智初幼多至性橘常墮
于懷中吳隱之毀不勝喪鶴爲鳴于庭下生事則羶
薌臚膳于以承懽廬居則窆緯練祥洵能中禮而孺


人韶年降阼綺歲齊牢椎髻自甘鉛華弗御罷牛衣
之泣詎厭糟糠挽鹿車而行親操井臼機絲軋軋洵
哉女德幽貞裙帶垂垂允矣婦功儉恪蘋蘩不匱擬
尹姑以無慚榛栗相將較郝鍾而何讓且夫瞻蒲望
杏爲編戶之良謀問雨課晴實治生之上策而翁則
耕耘不事自在忘年性尙蕭疎不爲崖異胸惟坦率
詎設叮畦酷愛名泉之味活火烹來檢點瑞草之魁
生涼喚好一甌飲處兩腋風生或優游于里閭都詡
君是名門時跌宕于琴尊共羨翁真健者廉頗矍鑠

猶存車中擊刺之形馬援飛揚尙爲鞍上拍張之狀
此真保其純一知上士之天已全享此期願驗仁者
之徵必壽也茲者歲紀浥灘月軌朱陸梁鳴元燕值
星妃設悅之辰花放紅榴正絳縣懸弧之日信德門
之盛事樂嘉耦之齊年凡我潘楊密戚孔李通門或
斟流霞之觴或進飛雲之履僕也欣逢降嶽愧無彩
筆以稱揚幸值佳辰聊擘紅箋以頌禱

貴

道光歲次戊申孟夏月

邑庠生邵宣廷拜稿



[Faint, mostly illegible vertical text columns, likely bleed-through from the reverse side of the page.]


朝榮莫公傳

公諱泰昌字朝榮乾元公之子繼配王孺人出也晚
歲生兒愛憐尤甚公亦穎悟過人能稱父志年十三
又失怙王孺人勤約持家家素豐復擴之至鉅萬延
名師課子公亦幼而勤學浸淫於諸子百家之書時
文律賦無不精能其餘事矣屢應童子試常不售遂
援例補國子監生奮志科名乃咸豐癸丑金陵陷鄉
闈頻年不舉公遂優游林下以詩酒自娛而賦性溫
厚親友以貧乏告者無弗恤也每遇凶荒益慷慨助

真氏宗譜
賑曰積而能散亦富家分內事也始而有求於公公
無吝色繼而有感於公公亦無德色持身接物一以
和易處之公蓋厚於情者也余素知公名而未嘗謀
面及咸豐丙辰始得識荆公年將四十頃蓋如故與
公語輒相善袁太史自壽詩云瀟灑一生無我相逢
迎到處有人緣兩語差堪持贈其後不常繼見未幾
宜城陷余避居江北及同治乙丑南旋問之公已謝
世五年矣其兩嗣君兆基兆奎安全無恙幸哉德配
史孺人相夫子經理內治事姑亦極孝敬見公有周

濟事亦竭力贊助宜其享遐齡膺厚福揀券而得也前
年初夏其族人重輯宗譜其二嗣君徵傳於余余於公
之生平不甚悉始述所聞者畧舉其梗概俾後之人庶
可窺見一斑云爾公之生卒葬地詳世表不贅
光緒歲次戊寅孟夏之月

姻眷弟王梓敬恭甫謹撰



Faint vertical text columns, likely bleed-through from the reverse side of the page. The characters are mostly illegible due to fading.

書元公傳

公沽瀆滙里人也年未弱冠已循規蹈矩愛親敬兄
名雖農夫實恂恂然有儒者氣比壯尤勤于力田戴
月披星無間寒暑每到秋成後卽將囊橐所餘早完
國課不致催科等滋事擾里閭雙親在堂常冬溫夏
清昏定晨省甘旨之供無缺也待兄弟情如手足待
朋友誼若家人待鄉隣和如同室里黨中有少年子
弟見識未深或流于輕儇浮薄公必爲之反覆曉諭
激厲之裁成之俾之歸于正道而後卽安故里中少


年薄惡竟能感化出許多人來至晚年更學隨年進
地方中或遇歲荒公卽慷慨傾囊倡人捐俸故近地
貧民無凍餒者地方中或有爭鬪公卽排難解紛使
人和睦故近地鄉愚無涉訟者偶得閒暇時卽扶筇
攜酒邀同里合井諸耆相與看山青玩水綠聽鳥語
領花香快樂逍遙怡然自得是公乃做盡俗中之事
而又能超出乎俗外噫公豈俗中人哉德配吳氏亦
幽閒貞靜善相夫子成家頗有孟光風範長子東林
次子效林三子魁林俱克創業承基老成樸實有父

遺風三子魁林尤酷肖厥公立品居心人皆嘖嘖稱
道子訥繩亦年少老成孝悌力田令人欽敬可謂克
繩祖考者矣魁林君與余爲忘年交因輯修家乘來
丐傳于余余素不工文安敢擅親管城子卽墨侯耶
惟念魁林君一片孝思又與余交同膠漆爰不揣鄙
陋而草草爲此傳

昔

光緒歲次戊寅孟夏之月

郡庠生戴葆泰子衡拜撰



泰康公傳

公諱泰康字富升隆順公長子也幼承父訓卽循循有規矩比長命之就傅柰姿稟未優雖奮厲自勉不得竿頭進步遂棄儒習貿易術支撐門戶家貲漸充仰事俯畜裕如也公爲人秉性剛直喜施與雖家非素封而族鄙有告匱者輒傾囊以應無德色亦無吝容所尤異者鄉間有一强悍少年游手失業無以爲餬口計公深憫之時時隱加賙卹絕不介意一日少年闖門而入厲聲慢罵意欲害公公婉諭之曰爾得


毋有所缺乏也抑何氣之未平也急給以米數斗錢
數貫并慰以善言少年亦感悟自悔其所爲之不情
唯唯而出後數日公從旁知其故方信忍字之難且
謂忍之可以轉禍而爲福使當日稍有不忍略拂少
年意安知不誤受其累而并貽笑於鄰里乎然未嘗
以此事告人故人亦罕有知者但常爲兒輩語之其
與三子鶴林言則尤詳耳鶴林予莫逆友也能承父
業凡往來交易一本於公平以故筋力較先世爲倍
勞而貲產亦較先世爲倍豐近因生理事恒買棹赴

予村每於談心促膝時道及公之行誼卽淚涔涔下
常以不如公之能忍爲憾今歲春適修莫氏譜牒命
予爲公傳予固以不文辭不獲已姑就予所聞於鶴
林者從直書之以酬鶴林之囑非敢云傳也有識者
其諒之

光緒四年歲在著雍攝提格余月穀旦廩貢生候選
訓導崔鑑瀛頓首拜撰

真身... 卷一... 二... 九...

Faint vertical text columns, likely bleed-through from the reverse side of the page.



泰義公暨吳孺人傳

公諱泰義字三多世居邑東之沽瀆滙父隆懋公生
三子公其長也公在襁褓時視聽言動迥不猶人隆
懋公特深愛之爲之訪名師從學數年禮樂詩書洞
然自悟惜乎家甚寒微遂棄儒就農竭力耕田供爲
子職隆懋公顧而樂之曰克勤于事克儉于家以紹
箕裘肯堂構者必此子也迨父謝塵寰公仔肩家務
凡錢穀出入悉聽母命季弟甚幼提攜訓誨以底婚
娶成人未嘗貽母氏憂後雖析產分居猶覺兄弟怡

莫氏小傳
怡雁序相隨角弓無反終其身式相好也原配潘孺
人潘社頭芳容公女同心協力克諧伉儷不幸短命
死矣繼配吳孺人南華圩永緒公女性閒貞靜質稟
幽閒事翁姑以敬相子以和勤儉紡績夙夜不遑鄉
里中皆稱爲賢內助詎泰義公年僅四十四卽早歿
命孺人內外總管理治家事若網在綱有條不紊咸豐
辛酉歲粵匪滋擾民不聊生孺人逃避港口兒女俱
幼饗殮不給炊火久虛猶且兢兢自守不屑寄人籬
下一衣一食皆出自十指間若是者百有餘日此固


丈夫所甚難豈尋常巾幗可同時而語乎迄於今令
孫令子繼繼繩繩玉樹芝蘭庭間擢秀豈非公與孺
人之積德而克昌厥後哉敢述所聞而綜傳之載諸
家乘俾世世子孫可以考鏡也

光緒歲次戊寅孟夏之月

郡庠生介眉吳壽祺拜撰

卷之六

五



莫君三慶序

嘗謂善者良也乃元吉之名德者得也爲百行之本
人生最難修而全者惟此善與德耳當世士君子才
華文藝非不彪炳一時而求所謂有善與德者恒不
少概見戊寅春余館於繆瀆橋馮氏有沽瀆滙莫君
三慶者地之相去十里而近其子輔臣從余遊因修
緝家乘屬序於余余與莫君素非相習者也余乃問
其起居則日昃不遑猶抱漢陰之甕也飲爵無算常
盈北海之樽也叩其行藏則問安視膳西伯之懃行

猶存也舉案齊眉梁鴻之芳徽宛在也余肅然改容
竊嘆士君子所不能全者而君獨以一身兼之是豈
不足稱道哉雖然此特君之梗概諒未足盡君之生
平也請爲我詳述之輔臣乃避席而前曰善哉誠是
言也吾嘉子之賜多矣方吾父之少也一歲失怙艱
苦備嘗事母惟謹先意承志恒得歡心有疾不脫冠
帶而養可謂順於親矣兄弟二人行居其次幼時奉
教不違及長凡有力作以身先之克敦友于之誼以
篤天顯之親式好無尤怡怡一堂可謂恭於兄矣及

娶母氏陳鷄鳴戒旦相待如賓琴瑟靜好室家烝烝
數十年來無詬詈聲可謂刑于妻矣粵匪之亂有城
中人避難在家中計口貨粟不責其償撫姪與姪女
成人婚嫁時一如已出可謂明於大義矣至若治家
可法居鄉有禮律身以儉教子惟嚴讀書務知大義
爲人慷慨而有節概重然諾輕取與可謂細行無不
矜矣吾父之生平可述有如此者余聞之乃恍然於
君之爲人而得爲君進一解矣易曰積善之家必有
餘慶書曰慎乃儉德惟懷永圖明乎作善降祥修德

莫氏宗譜
獲福有由來矣而君之俾壽而康俾昌而富天之報
施善人正未有艾也余既與其子遊因不揚簡陋悉
次其言而爲之序

光緒歲次戊寅孟夏之月丁卯科舉人揀選知縣世

愚弟續侯吳鴻緒拜撰

魁林翁七十壽序

洪範曰九五福壽居其先人之能享高壽身康寧而復使人稱攸好德者非翁而誰翁爲書元公三子書元公一生正直端方鄉里無間言翁與二昆纘承父志作事居心人皆稱爲克家令子翁之爲人尤嘖嘖人口方其弱冠也父母抱沈疴翁誠心侍奉衣不解帶者數載有餘方其旣壯也田畝勤耕種翁竭力耕作手不釋犁者殆無虛日至於友厥兄弟篤厥宗族和厥鄉隣以及刑妻教子之道所作所爲直無纖毫


之遺憾雖學士文人素嫻詩禮未有如翁之天性者
也夫人非栽培元氣涵養性天曷由享茲遐福唯公
遇外侮則恬然受之遇急務則寂然處之家非素豐
不作愁悶態歲或遇歉常傾囊資助翁真可爲鄉里
表率不唯登耄耄享期願足以爲翁慶也翁茲七秩
華誕余因鄉城遙隔未得躬稱兕觥于心抱歉待八
秩九秩時行當放棹下鄉躋堂介壽也德配王氏亦
終溫且惠淑慎其身人咸稱爲賢內助子訥繩雖服
稽力田竟恂恂然有儒雅氣翁之獲佳耦毓佳兒已


足投心愜意將來濟濟斑衣繞膝雙雙白髮齊眉其
爲樂當予何如也故特爲之序

昔

光緒歲次戊寅孟夏之月

郡庠生戴葆泰子衡拜撰





Blank columns for text, showing faint bleed-through from the reverse side of the page.

兆南莫君孝行紀實

歲丁未余應試龍城沽瀆滙庚南莫君亦以事在龍
城於旅邸相晤覺其人沈厚篤實有長者風自後每
過予談次間輒道其兄兆南之爲人庚南之言曰兄
至性天成自幼卽規行矩步迥異常兒道光丁亥歲
母歐忽得痢疾兄東奔西走延醫調治迄無成效乃
於靜夜焚香籲天祈以身代刲股以進母疾旋瘳至
十一年辛卯父得重疾兄愈驚惶寢食不安繼復刲
股而門衰祚薄父旋棄世母禮佛甚謹每於春二三

月買舟至九子山結香火社自得疾後以年老體羸不能復出兄體母志齋戒沐浴備香楮具餼糧踰山越水焚香禮佛自己丑至己亥十餘年未有間歲至鄰里姻戚兄接之以敬處之以和未嘗以疾言厲色加人兄近年五旬敦古處足不入城市余不敢沒兄之素行是以縷縷述之余應之曰然然則兆南固無虧于孝行矣何則孝經云身體髮膚受之父母不敢毀傷所以昔人論刳股者幾與毀生滅性比以爲不得與於孝子之列然此固可爲士人言耳至兆南乃

農家者流足不越隴畝之間口未詠蓼莪之什一旦
父母有疾而能若是是非出於至性者不能也嗟乎
輓近世俗箕帚耨耰慮有德色而且好貨財私妻子
至父母有疾直視爲身外事恬不知怪者何可勝數
以此絜彼則兆南之封股固無虧于孝行而不得以
毀生之說繩之也會莫氏續修家乘余因紀數語以
俟夫採風者

崑

道光歲次戊申孟夏月

邑庠生邵廷宣拜稿



Faint vertical text columns, likely bleed-through from the reverse side of the page. Some characters are partially legible, such as '邑庠生' and '拜稿'.

三節烈傳

嘗觀忠臣不事二君烈女不更二夫之語而知婦之於節莫臣之於忠也顧吾謂婦之節似有倍難于忠者蓋以閨幃女子未習經史之書未諳聖賢之道而能不以盛衰改節不以存亡易心固未易言矣况艱難險阻百折不回歲月悠長從容就義此豈慷慨激烈徒感發於一時之意氣者所能爲耶宜邑之有莫氏自天用公始至今已十餘世其間之以節著者如大分以賓妻史氏三分如教妻俞氏俱早年守義美

玉無瑕欲爲之表揚奈以厥後式微文獻不足其四分中鴻妻韓氏可越妻王氏併祿生所聘蔣氏皆貞烈特竒而後先濟美萃于一門尤閨閣中之不易覩者急表之以風夫世使知貞節之光於家乘亦如忠義之昭于史冊並垂于不朽云爾

韓氏者廷梓莫翁之子名鴻之妻蔣巷文儒菊山之女也生而賢能十七歲於歸莫門二十生子尙謨一十二生子尙訓訓未期而鴻逝矣鴻彌留時向韓氏而歔戲曰親老子幼若何氏泣慰之曰所不送爾親

而撫爾子者有如日然鴻終慮家貧乏難以自存也
睨氏嗚咽若不能言傾之乃卒氏痛極哀遂毀容操
作賒月分光不辭勞勩饗飧之費半出於氏之十指
間以精者奉舅姑粗者哺二子而唯以糗草之類自
食斯時賴有堂姪省川爲之經理其外務不數年而
家業漸豐二子稍長延師訓之朝夕督以大義少有
過差卽親與以杖未嘗畧降詞色復爲之擇耦以配
其送舅姑喪葬如禮每事盡善克劓厥家不愧奇男
子也晚歲福履優游天固有以報之而艱苦勞悴以

成其志者實可泣鬼神而銘金石矣順治五年邑侯
王公給貞節匾以表其廬生于有明萬歷戊寅五月
初九日卒于 皇清順治壬辰二月初六日享年七
十有五以卒年三月十一日其子尙謨尙訓舉柩與
鴻合葬於上掌坟側

王氏者尙謨之子名可越字工亮之妻乃節母韓氏
之孫媳也越先娶陳瀆顧氏生子祿生與蔣氏聯姻
六歲而歿顧亦隨卒繼聘王泥壩王氏其父唯嶽以
順治甲申三月十八日生氏已亥適越時年始十六

歲而四德俱優至康熙癸卯甲辰連舉兩女丁未越

遂亡越年三十七氏年止二十二與韓氏失所夫之

歲相合而又無子欲保其無他志也情益難矣氏哀

毀暉絕欲相從於地下數日不粒食宗黨咸勸慰之

始少進薄糜立可階子與丕爲刷又撥田十五畝入

祠以延可越久遠之祀又捨入福善庵基地出字六

百四十三號基地一畝四分永爲萬年香火斯時家

固饒而霜機月織飲藥茹荼勞苦自甘至上事垂白

之姑嫜而盡其婦道下訓弱齡之二女而善其母儀

禮親賓和隣里其所以嗣韓氏之徽音者鄉之人至今皆嘖嘖稱道不衰也二女長適西雅田文儒陳宜時次適化穀橋庠生王廷魁皆賢俊之士於康熙戊戌二月初五以疾終享年亦如韓氏與可越合葬于西古井之新阡

烈女蔣氏者庠生世芬之女進士芳萼之姪女爲廷梓配蔣孺人之內孫女卽可越之子祿生所聘者也

世芬可越係中表昆弟其聯姻也欲以續前盟修舊好故襁褓卽爲絲蘿之訂後祿生以六歲殤其時氏

幼世芬未以擇坦爲急迨氏及笄有將委禽於世芬者氏卽曰欲兒生乎死乎世芬驚問故曰兒有所字奚庸再字世芬曰字也未歸也汝不爲終身計乎氏涕洟曰爲此身計者唯義也蔣莫之盟人盡知之從一之義凜于霜日豈以字歸異耶苟諒兒則侍二老以終年否則願捐軀于一旦遂廢寢絕粒以必死自誓父母慰之不可強之不能世芬改諭之曰果能如是吾當成汝之志乃築靜室於塘門舍側教以焚修氏卽歸省王氏姑嫜哭拜永別遂杜門理誦外人罕


有識其面者卒時年四十有九


贊曰至性出于無爲至行成乎自然予觀韓之因貧
立節王以無子守貞蔣以未歸矢志此豈非由乎性
之自然者歟近蒙

皇仁廣諭婦女有節行可嘉者許當道題請建坊旌
獎世之有力之家誠不知其節行何如而歸然立石
者多煌煌閭里間矣若三氏者以後嗣衰落至今猶
寂寂也豈不惜哉然閨修非以要譽而淑德自可流
芳今姑表而存之其芳徽固在也則三氏爲不死矣

當亦欣然相慰於九原也夫

微菴載芳氏陸振策拜撰





衣賦蒸附熱飲武烈盡夫

不謂此為斯華錦哉我朝遠於我財

氏

氏

氏

氏

氏

氏

氏

恭祝

莫母蔣孺人七十榮壽序

蓋乾以一元資始萬物形形色色不得坤恒承以時
行曷由發榮滋長敷暢條達森森而不窮者乎余以
爲天地之化誠然今觀人莫母蔣孺人之曲成後裔
益信乾始坤成之德爲不爽焉孺人年及笄歸莫
門事舅姑孝謹鷄鳴盥櫛侍寢膳必虔堂上怡然不
至歌黃鵠而悲嘆所以莫翁有孝友之譽播於鄉
曲而飭躬淳謹落落不聞戶外事迨其後孺人百

計以圖家政紡績以佐生涯延師課子教養婚娶擇
嫁聯姻雖未克追踵孟母亦得以繼跡芳姬而子孫
振振豪邁傑出行將奪標爭錦爲後日之榮寵此何
莫非 孺人教養兼至以成就之哉遑知西池王母
降臨玉液之觴南極老人增添海屋之算予亦望銅
峯之委婉舉律而獻如岡如陵之頌也於是爲序
康熙歲次丁酉季春之吉

賜進士第中憲大夫通政使司右通政行人司行人
年家眷侍生任宏嘉頓首拜撰

莫母王孺人六表榮壽序

椿齡八百映後彫之柏而彌榮桃歲三千伴晚翠之
松而逾茂誼篤離鸞之曲應易駢鸞情深別鶴之歌
定能控鶴貞傳化石卽此成勾漏之砂列說頽城當
另闢崑崙之圃故得女中之荀息必且屬籍丹邱有
闔內之程嬰自可列名金母噓其霜氣衍作大年種
厥冰心蒸爲上壽恭惟莫母王孺人三槐望族四
姓各家裔出仙真緱嶺跨雲中之鶴代多靈異葉縣
飛月朔之鳧孺人則性本塞淵生偏淑慎風饒林

下不誇咏絮之才秀擅閨中弗炫簪花之技春風陌
上只解採桑夜月牕間惟工織素李家絡秀不聞辦
食之聲薛氏夜來滅去渡針之跡迨夫女貞旣盡婦
順聿彰能閑棗棗之儀不失嘻嘻之節甘旨養志杳
無谿勃之言琴瑟同心絕少謫摧之語嗤他陳嫂輕
譏食覈之肥笑彼宏妻強怪殺牛之異弗取東家之
棗樹未伐以何完雖過巨嫂之家釜有薪而奚櫟斯
誠媿郝夫人之淑德齊顧家婦之清心者矣抑更有
難焉尤爲足重者慨閨閫之風日替悵幃闥之化遠

衰孰遵從一之占豈果棠姜之無害誰守不更之戒
胡同息媯而多言而廼慷慨以勵清操艱貞而伸大
節蓋孺人之歸我莫君也僅十餘載而莫君
之辭我孺人也已三十年本擬其成黃霸之高原
期同遂梁鴻之志何意參媒氏灼忽痛各天因之角
枕錦衾長悲獨旦灑啼鵲之血慘欲摩笄滴淚竹之
斑憤思截髮年年集蓼潘安仁賦之而難工歲歲茹
荼衛共姜咏之而靡旣聲標閭郡至有司亦額其廬
義著通都卽當路且顏其室設此日而逢漢祖決當

賜以封邱或他年而遇齊侯能不予之石窳况乎字
余賤息撫我藐孤辛苦哺雛剪就虬龍片甲殷勤鬻
子分來鸞鷲一枝加以一傳固長鳳毛再世更生麟
角凡其借母儀而兼嚴父無非殫父職以慰先夫似
此令妻自成壽母重光紀歲少皞司辰風琴瑟以吹
金露灑灑而溥玉鴻將來於塞外蟀已在於堦前薇
稱百日而猶紅桂正三秋而欲實嘗來鱸膾家家開
饌玉之筵啜罷橙蠶處處設炊金之宴恰當幌設遂
祝甲週戚媪踰踰不數漢朝許史賓朋濟濟何殊唐


世崔盧咸鞠膾以奉觴羣希鞬而上壽斯時也別有
西河女子東海婦人負山之夸娥投壺之玉女金臺
少女字曰靈簫太真夫人號稱勃遂莫不駕雲輦坐
颺輪綵鸞導前斑麟擁後擗之麟脯斟以鴛漿進碧
柰與赤芝獻元霜與絳雪行見置身在修羅緋羅之
上叅座當雙成雙禮之間直將匹樊夫人之得仙肌
鬢盡如乎雲雪詎止肖鄰夫人之難老耳目弗隔於
神明僕敢贅俚詞敬揚盛事寄言壽母并勗諸朋此
際當歌羨地上之麻姑有瓜今朝不醉負賓來之桂

魄如鈞

賜進士榜眼及第翰林院編修加一級丁酉順天鄉

試同考戊戌會試同考欽授奉天府提督學院年

家眷侍生任蘭枝頓首拜撰



萬孺人六十壽序

壽之爲言受也又言酬也受者在人而酬者在天人
以此受天卽以此酬大德獲福德也者福之興而壽
之基也余今於孺人觀之則尤信孺人世爲荆
南望族自少聰穎性溫恭嫻內則精女功及笄後適
莫氏逮事舅姑如事父母小心謹慎未有違顏其相
夫子主中饋無攸遂衣服飲食咸崇素儉飯一盂蔬
一盤而機杼聲時軋軋聞于戶外不以此爲勞也居
家交際往來不豐不嗇无不中節鄉里嘖嘖稱羨謂

非出于名門望族必不能若是有丈夫子二人克儉
克勤無敢舍業而嬉故鄉里皆謂其克家入其門登
其堂玉樹盈庭芝蘭繞膝人竊艷而慕之而孺人不
色喜歆然若谷盎然若春推壽母之心固不望酬於
天而天亦若隱以酬之者也女士者四其三適予弟
燕貽亦能婉婉聽從無忝婦道鄉邦稱莫氏有賢女
詢其所自皆由孺人豫教之早以克至此易有云坤
厚載物德合無疆今孺人年週花甲猶童顏兒齒康
強逢吉也孰謂天道不可必哉歲壬申夏四月越二

十七日爲孺人設悅之辰凡辱在蔦蘿者無不稱觥
進頌以爲孺人祝而予弟備述孺人行索予言爲壽
余不善爲諛詞第頌言之言其柔且順者以見其爲
婦之道言其勤且儉者以見其爲母之方言其子孫
之美壽考之隆以見母之得報于天者如此其厚母
聞而輒然色笑命孫酌之酒余起而爲之歌歌曰相
夫以莊教子以義方恥施膏沐縞衣練裳終朝治紕
執彼懿筐惟母之德少君德耀乎四方又歌曰母德
不可忘彼蒼有知報之以久長子孫繩繩羅數行芝

榮蘭茁錦書香飲且食兮其康強顏如渥丹鬢未霜
 和氣蟠塞兮鶴舞鸞翔俟將百歲兮壽母名堂詞既
 畢聊以當祝云

乾隆歲次壬申四月孟夏

邑庠生眷姻姪潘紹祖頓首拜撰

萬孺人行述

余嘗讀古見若其妻令女暨歐柳諸母之賢未嘗不
嘆爲巾幗丈夫也宜邑莫氏實爲望族素著閭德而
余之從妹爲哲人之配萬孺人者其可謂充於德苦
于節者也易曰安節亨苦節不可貞嗟乎夫節也而
有不苦者乎若曰苦而安之則可貞云爾孺人幼秉
父教動止有法言笑不苟年十八于歸莫氏事姑孝
守身謹妯娌和而又敏於治家故始窘而終裕無何
哲人仙逝痛絕不粒久之念孤兒之無恃強起復生

推其真摯之誼假使而在少時何異其姜之矢志靡
他合女之截耳自誓乎卒也鞠育二子四女艱苦備
嘗幸教嫁成立蓋以姆儀而兼父道擬諸歐柳諸母
之畫荻尤熊又何多讓乎予惟苦節孝謹古人難之
矧在今日而忍沒其善歟是以述其大凡使秉筆家
乘者有所考焉

歲貢士現任河南內黃縣知縣兄作霖頓首拜述

莫母潘孺人八十壽序

予嘗論婦人之獲名也較難於男子立德立功立言
垂聲施於不朽者丈夫之事而女子無聞焉其有名
光彤史行載緇編或以孝稱或以節著者大都遇事
變履危難樹非常之操以震耀一時否則世家大族
有氣力得丐有司旌獎以成此名也若夫安常處順
而又生居寒素無他奇節可以表見縱有溫恭靜正
勤勞孝敬之德率以爲婦道之常名或不出閭巷然
吾以爲不得於人必得於天不得其名必得其壽此

理之不爽者 莫母潘孺人予族姊也族伯

公長女生有至性幼嫻內則及笄適 莫公益上抱

孟光之德井曰親揜效桓君之高鹿車躬挽以事父

母之道事舅姑先意承旨能得其歡心和於妯娌門

以內無間言迨柄家政庭除肅然外言不入內言不

出自非懃戚罕覩其面其逮下也寬撫幼也慈享賓

也厚而自奉則以儉約雖家日饒益而荆釵布素不

少侈焉舉丈夫子四胥樸茂真誠端方醅謹伯仲之

間怡怡如也亦何莫非 孺人之教哉茲辛巳仲秋

之吉爲 孺人八十大慶適予宦遊歸里家昆季要

予介壽且索一言以侑觴予因念 孺人履常蹈順

雖未有奇節震動當世而其溫恭靜正勤勞孝敬之

德洵堪垂爲闈範特未克請之當事以昭光寵耳然

今且年登耄耋而飲食步履一如盛年倘所謂不得

于人而得於天不得其名而得壽者是耶非耶抑更

有進焉孺人子已生孫孫又生子芝蘭玉樹濟濟滿

堂行見孫與曾孫之干霄直上而 孺人方躋期頤

而獲享紫詔輝煌之樂也則天之福 孺人與 孺

人之食報於天者正未有艾予拭目俟之矣遂書之以爲孺人壽



特授兵部武選司主事兼職方司事前國子監助教
克三禮館會典館纂修官加三級永季頓首拜

今社平登李楚而於食亦一故於手動則不

今社平登李楚而於食亦一故於手動則不

今社平登李楚而於食亦一故於手動則不

今社平登李楚而於食亦一故於手動則不

今社平登李楚而於食亦一故於手動則不


丁孺人傳

莫母丁孺人湖右芝麟公之女也孺人夙號素封姻戚無非望族孺人家門榮盛生長綺羅未嘗以富驕人歸九錫公公前娶王氏有子宗潢孺人視如已出撫恤甚至未嘗有纖芥之嫌也九錫公遊於外輒逾時不歸孺人侍姑于室凡所以先意承志者無不曲盡其道故數十年來垂白之姑笑日常開而九錫公無內顧之憂者孺人之力也九錫公中壽而殂孺人至三十歲卽稱未亡人生子宗濂僅六齡耳孺人茹

茶飲血親掾家政早作夜思勤苦至矣居家一以儉
約爲主若有以貧乏告者孺人必節縮其餘以丐貸
之故鄉黨宗族莫不誦仁且賢以孺人之有以各厭
其求也孺人無疾言遂色亦不見其喜容祇一子愛
之特甚然督責之不少假自書塾歸必課其誦習幾
何夜篝火輒操作伴讀舉止偶佻必嚴聲呵斥之故
宗濂自成童時卽嶄然見頭角而至今咸奉以端人
正士之目者孺人訓迪之功其有自來歟孺人嘗曰
健婦持門戶古人所譏然吾不幸夫主早亡以一女

子持兩弱息苟不自爲經理委家事于何人耶但吾
之身親勤苦非有求贏餘之意惟不以砥犢之慈敗
吾子行不以奢淫之習隳吾夫業則吾之責塞矣嗚
呼觀于此言可以知孺人之精心苦慮垂裕於後者
寧有旣哉孺人生於康熙壬戌年八月十五日卒於
乾隆癸酉年五月廿七日壽七十有二歲塋梅嶺

邑庠增生李黼頓首拜撰



此類發而受其以廿三日... 亦謂其詩人... 世... 行... 心... 亦...


莫母金孺人八十壽序

丙戌之秋莫母金孺人年躋八旬余適以莫宗譜系
事羈沽瀆莫君耀先偕弟耀遠詣余乞一言以進母
觴予固於孺人不素悉而見其令嗣積善力行秉
禮守道觀其子可以知其母矣得其詳而稱道之有
深願也烏敢以不文辭在易坤之彖傳曰安貞之吉
應地無疆晉之六二曰受茲介福於其王母魯頌曰
令妻壽母既多受祉此胥言女德之盛而福祉徵應
不少爽符契也孺人其易之應安貞而受介福魯

頌之尊壽母而受嘉祉者乎莫氏系本鉅鹿自宋時尉衛卿以來世爲鉅鹿諸宗望今沾瀆又較著於宜興孺人之歸莫氏也笔蘋蘩潔滌滄凡家人雜務罔不綜理而家業遂以懋起撫誨羣從胥克成立誨諸女胥歸士族今喆嗣肅承慈訓克紹前烈而文孫瑤瑩蘭茁聰慧不羣易所謂棟隆吉詩所謂百堵皆作雅符契焉孺人更耳目聰明綜理不異少壯時行見膺鞠衣翟車之褒錫以克躋期頤固有瞭然可決者蓋介福爲安貞之休徵而受祉實壽母之嘉應

也仰震澤之榮光東與林屋洞天南與玉女澄潭互相焜耀則由此以往而吳母孔氏之年踰百歲中書虞母之壽躋百齡不咸於孺人胥克有符契也乎是爲序

壬午科舉人候選知縣年家眷侍教生曹掌頓首
拜撰



節母周孺人傳

節母周孺人世居邑東南之王瀆父天章及笄歸沽
瀆滙莫君宗彝爲繼室君前娶洋涓張氏生子志宏
而卒孺人舉子二曰志和志嘉一女適後村周羅定
方莫君之歿也志和甫五齡志嘉甫一歲孺人提挈
幼孩以母兼父且養且教迄于成立爲三子娶婦皆
名族孫男四人伯生健行健高順九孺人撫孤時家
瘠甚日夜紡績嚴寒盛暑不少倦及三子旣長力勝
耕教之力穡迄於晚歲子孫順謹饘粥粗給稱蔗境


焉年五十五卒而志宏之子伯生無出以健行子東
林爲嗣東林病故其聘室談以死殉夫行將請諸當
道邀旌揚之典以爲宗族光莫氏一門節烈之行
後先輝映爲鄉邦式豈不美哉予故敘孺人之節而
牽連及之

贊曰莫氏有東西兩宗西莫當勝國時有父子以死
殉國者今東莫氏周孺人以苦節聞而曾孫婦談烈
女繼之婦道也一臣道也或死或生其艱貞之節侔
也莫氏誠吾宜之望族哉

皆

道光歲在丁亥天中節

廩膳生吳辰薰沐拜撰





天中

莫氏宗譜

莫母錢太孺人六表榮壽序

粵以白海採桑代洗傳千年之潔西華揖母陶鈞表
二炁之功女媧補天而鍊石五色爛熳精衛填海而
銜山一拳邈迤斯豈嶺頭化石所能擬其苦辛亦非
山際摩笄可得參其樵悴是宜天姥常青不老九秋
之霜雨婺星長曜永隨二董之班聯也如我莫母錢
太孺人者以吳越之望族歸鉅鹿之名家系出彭鏗
夙秉恬靜慧同道韞尤著艱貞弱笄明婦順恰符荀
氏之年雖鳳卜男祥適叶宋家之數常恐父母貽羅

搯持梁室早知舅姑食性諳練荀厨糞鹽必檢井曰
親操棗栗時修滌澹莫缺方幸堂上多福之徵閨中
信百年之訂奈何風搖雨漂星沈月落先甲靈椿遽
謝後庚釵鳳適分呱呱繞膝蒼蒼呼天魄見兩生鵬
愁頻告耶母也長慟者深痛絕者屢欲剪烈婦之金
一身奚惜思投夫人之井二子誰憐爾廼羅幃罷設
代以素帷錦茵不施易以苦席婦也兼夫捍擋家難
母也兼父閔育遺孤泣傾杞婦之城汨斑湘妃之竹
之死靡它永矢柏舟之志遭家不造忍受集蓼之艱


春風陌上只解蠶桑秋月窗間惟聞紡織截髮留賓
爭傳陶淑畫荻教子其羨歐賢卒之大廈能支苦節
致泰有堵如環拓之以百積粟盈倉求之以千所欣
呼驥龍駒已見齊驅尤喜捧輿鹿車時看其挽幸鳳
毛之既長慶麟角之復生效田氏之分荆思離艱鉅
倣薛家之析箸計謝仔肩庶幾未亡人之哀痛少舒
卽知先君子之精靈可慰孰意金風瑟瑟桂子方盈
寒雨瀟瀟蟾宮寡色寶鏡纔圓金甌又破哉嗟哉少
子不聞吹篴之聲痛矣孤孫偕去吹簫之侶追思昔


日回憶爾時角枕旣塵碧梧又損命途至此天道何
如有泪皆枯無言非苦然而旣詒我肄不敢告勞遂
爾抖擻精神遽使錙銖辨悉星霜幾易耳目重新男
也未成而成女也待字而字斯誠梁媛之高行未曾
厯其艱辛巴婦之懷清差堪方其守劊者矣蓋母之
篤於伉儷也歲以十計而猶差而母之磨其筋骨也
年經四十而已逮固其霜質堅厥冰心伊昔賢稱柳
下僉云能光其夫於今蓆產礪邊予知必壽其母於
焉時當悅設競祝甲週鞠膾奉觴歡騰戚里畚耨上

壽喜溢賓朋試看此日斑衣彩舞于老萊還俟他年
彤管輝流於女史

道光歲次丁亥清和月

彌甥邑庠生邵蕪門拜撰





[Faint bleed-through text from the reverse side of the page, including characters like '真', '卷', '三', '新', '堂']

莫母吳孺人傳

夫高士亮純白之操節婦凜貞潔之志此冰天雪海
同一清冷自全者然男子讀古人書以義氣自許厥
惟艱哉况閭閻錄窻貧女日未覩詩書耳未聞旌表
竟能率其貞剛之性而守節終身古誠有之後世蓋
寥寥矣近得莫母吳氏孺人艾瑞雲母宋胄出名門
幼嫻婦德年十九歸于服周公之幼子元泰其事姑
也謹以恪其相夫子也敬以愉誕彌厥月歸寧父母
而元泰無疾暴卒聞訃卽辭父母歸解夫衣衾其眠

一榻三日夜飲食不入口捨地呼天欲以身殉其姑
潘太孺人輟哀而諭止之孺人曰我之不獲與莫郎
借老命也雖然舅已卽世而夫又無子所不獲從良
人地下遊者我姑當奉養耳於是搯井曰勤紡績勞
如也并將已釵釧環瑱易數十金供甘旨盡子婦禮
歡如也姑嘗患惡疾孺人奉湯藥終宵立牖下不忍
去姑曰余無以報新婦德願汝嗣婦亦如新婦孝敬
矣時以夫兄元隆子應林爲嗣娶周氏貞性而靜
婉婉以聽從而嗣子亦委曲承順能得其歡心戚里

咸稱報施不爽云孺人生於乾隆辛酉年卒於嘉慶

丁巳年享年五十有七歲生平事上以孝接下以慈

而死者之不忘數十年如一日也迹其高行當從古

婦女之貞節者等矣然古婦女之貞節者或如章綸

母金撫側室兒成進士節以貴也或如巴寡婦清背

與陶猗卓程等始皇爲立女懷清臺節以財也孺人

家貧而嗣非紫衣顧能冰雪其操金石其志豈非女

中鐵丈夫乎則雖和妯娌睦鄉鄰亦多可書吾獨取

其養姑撫媳盡瘁一身大節之不可及者著于篇俾

莫氏子孫佩服無忘焉

莫氏子孫佩服無忘焉



莫氏子孫佩服無忘焉

莫氏子孫佩服無忘焉

莫氏子孫佩服無忘焉

莫氏子孫佩服無忘焉

莫氏子孫佩服無忘焉

莫氏子孫佩服無忘焉

莫氏子孫佩服無忘焉

節母胡孺人傳


人固有太背乎節而託於節者問其名則是問其行則非可以謂之節乎人亦有稍合乎節而冒於節者問其名則是問其行又非可以謂之節乎生今之世求其名實相符而無愧乎節者久已罕覩其人矣胡氏孺人孟橋人也幼遵閨訓笑言不苟及長適莫門舜嘉公田止十餘畝舊宅數間借貸四十兩餘生三男一女女已嫁男俱幼乾隆五十載適遭大旱五穀不登舜加公又遇病勤侍湯藥未嘗廢離公卒不幸

莫氏家訓 卷一
而殞命孺人哭倒于地奄奄欲絕旁數人急扶之乃
起棺槨衣衾咄嗟力辦借貸又四十兩餘嗚呼若孺
人者其何以振家聲乎然而孺人之境彌厄孺人之
志彌堅孺人之事愈難孺人之心愈卓晝則督其子
力田夜則率其婦勤織終歲勤動不敢自暇自逸身
未嘗出遊寺院不知進以故內外整肅家道日昌娶
媳各擇淑女無不措置得宜逮其後田增三倍屋之
舊者又皆煥然一新兒孫滿前村中老莫不嘖嘖道
其賢頌其福孺人不色喜雖年及七旬餘操作之勤

不異少長時若孺人者豈數數覲耶余因而歎曰人
之以節而易玷孰若孺人之以節而彌光世之甘節
而能守孰若孺人之苦節而愈貞氣作山河志光日
月夫豈大背乎節而託于節者乎又豈稍合乎節而
冒於節者乎于茲重有感孺人之爲人因畧傳其行
事登之譜牒俾後世不忘至其生年卒葬列于系表
茲不載

道光歲次丁亥清和月

愚再甥郡庠生竇光奎撰



Faint vertical columns of text, likely bleed-through from the reverse side of the page. The characters are mostly illegible due to fading and ghosting.

伯岳母馬孺人序


古人云不朽之業有三德爲上功次之言又次之余
謂此在士君子固難而在婦人尤不易何也士君子
讀詩書明禮義其知修榮名建不朽也允爲人世僅
見事若婦人身處閨閣晨夕間惟知司中饋宜織紵
而已求其有合於古人之說者不綦難哉余岳母馬
孺人系出名門夙嫻內則年十九歸余伯岳文山公
方是時姑已逝而翁在堂兩伯姒俱析箸惟叔姊尙
同室孺人相夫子以敬事衰翁以禮處妯娌以和鄉

里中胥稱賢淑是其德也而功與言統此矣厥後夫
君早世貽三子長次各數齡一子方在孕內外人皆
危之而孺人綜家政益自勤苦凡雇傭耕作以及蠶
桑諸務悉井井有條是其功也而德寓焉他如課子
兼耕讀訓女孝舅姑誨媳功紡織勉鄰婦胥遵壺範
戒諸姪罔越規矩用財以豐儉合宜爲準居常以言
笑不苟爲法是其言也而德又寓焉具此三善而復
得賢能繼起不墜家聲士君子之所難者孺人以一
身兼之矣歲丁亥莫氏續修家乘其令嗣肇森君欲

得一言以示後昆予維孺人之賢雖不若少年守志者茹苦尤甚而半世松筠亦殊非易易耳今克遂其所願家日以裕境日以豐新堂構擴田園驥子牽衣麟孫繞膝藉非有合于古人之說曷克臻此故書之以爲當世之守節者勸且以勉肇森兄弟之益宜敬事其母也

道光歲次丁亥仲夏月

姪婿史暎暄拜撰



Faint vertical text columns, likely bleed-through from the reverse side of the page. The characters are mostly illegible due to fading.

節母莫母夏孺人壽序

天下之憔悴幽苦鬱結而無告者莫甚于嫠少之守
貞故雖以窮簷匹婦亦得與忠臣孝子並傳千古宜
乎慶流奕禩而福集當躬也蓋莫母夏孺人之稱未
亡人也年纔二十有三耳撫十月之孤兒事蒼顏之
二老集蓼茹荼莫此爲甚而能上事高堂下撫弱息
支撐門戶扞禦百端接鄰里以和處姻郃以肅無哆
口語無露笑方之鍾郝誠爲不愧昔敬姜有言曰
逸則淫淫則忘善孺人以青年矢志黽勉有無操并


莫氏先言
卷一
一
婦人
白躬紡績針紉無虛晷雖盛暑嚴寒猶機聲軋軋不
輟于以識孺人之思深慮遠洵非尋常爨下婦所能
望其項背也且孺人正有不可及者何則吾見編氓
婦女往往以寡年皓齒繡佛于青鶯飯僧于白雀誦
般若禮彌陀以冀求福田利益者何可勝數今孺人
未嘗一入空門謁緇流不識選佛場不結香火社社嚴
守深閨以禮自範豈不偉與茲者花甲過週兒孫繞
膝請爲孺人侑一觴曰昔之憔悴幽苦鬱結而無告
者今始得與忠臣孝子並傳千古矣行見烏頭棹楔

焜耀于荆溪陽羨間也

昔

道光歲次戊申孟夏月

邑庠生邵宣廷拜稿



夏孺人壽序

二



泰森莫翁序

耳亦室自樹立人上之希賢希聖入古人之貴登大
雅肯堂肯構立德立功姓克儉克勤次之業載于旂
常又其次者言信行果不能有爲于其國必欲有爲
于其家而一事一行有益于鄉黨宗族亦不聽其湮
沒而無聞至翁誠不愧爲一鄉之善人也翁名隆隆
剛方出言正直有剛者之氣象焉少時家徒壁立衣
食給故未能少讀詩書及力成家翁事亦見其忠且

此... 卷... 一... 緒... 堂

誠同治年議建大宗祠議定緒光年修輯宗譜翁亦
朝夕贊襄其事至于慷慨性成樂善好施尤人所共
知而序云王餘端不... 一... 人... 各... 劉...
光緒歲次孟夏之月

... 其... 官... 官... 不... 其... 必... 亦...
... 昔... 立... 立... 此... 古... 劍... 其... 亦...
... 亦... 望... 自... 樹... 立... 人... 士... 之... 香... 賢... 希... 聖... 人... 古... 人... 之... 貴...

卷...

莫母陳孺人序


嘗思后妃著貞靜之德敬姜有勞逸之箴此女中文
夫千古來不可概見者也莫母陳孺人泰禮公之淑
配而邦華公之合媛也少嫻姆訓勤習女紅年甫八
九父母偶染微疾即能躬奉湯藥或左或右未嘗一
刻相離迨愈方有喜色繼復工刺綉慎語言兄嫂間
從無拂逆其著貞靜也如此及于歸之後泰禮公素
稟寒士家風而孺人克勤克儉贊襄內政絕不聞交
謫之聲其事舅姑如事父母平日所言嘗謂勞以成

家逸以敗事其論勞逸也又如此雖未能媿於后妃
敬姜亦幾幾乎得其一二矣戊寅之春三月莫氏纂
修宗譜其子輔臣余家嚴高弟也述孺人之生平屬
余爲之序余欲謹謝不敏奈世誼相關義不得辭夫
孺人者蓋著貞靜論勞逸者也所出惟一子一女子
督以詩書女督以針刺愛憐之心存於中義方之訓
行於外懇懇誠誠必以其所守者立其教焉又有姪
與姪女幼失怙恃而孺人撫之如已出當髮逆猖獗
之秋東奔西走未嘗謂已子已女而攜之人子人女

而棄之雖值時危勢阨猶且矢志提攜不忍相離豈
碌碌者所能冀及哉及粵寇初平饗殮不給孺人志
安貧苦朝績夕紡未有稍懈至今日而子與猶子有
家女與姪女有室家門和順貞靜之德著於閭里勞
逸之論出自家庭宗族無不共欽其範鄉黨亦皆樂
道其善及余聞之又不禁羨之甚慕之甚謂后妃敬
姜之風不意於孺人見之也然余踈於才學短於文
辭其生平之善難以言傳聊以拙筆稍誌孺人之美
云

光緒歲次戊寅孟夏之月郡庠生世姪介眉吳壽祺

拜撰



[Faint bleed-through text from the reverse side of the page, including characters like '光緒', '孟夏', '郡庠', '世姪', '介眉', '吳壽祺']

先慈行畧

先慈周孺人爲外祖大坤公次女將及笄歸于吾父
理中饋事蠶績敬舅姑婉婉戚黨間靡不中式吾父
幼讀書不事生產且好客呼朋置酒母親躬操井臼藏
旨蓄以備不時有求輒應宗族咸稱賢內助云事翁
姑以敬相夫子無違噫嘻不數年孺人竟得疾不起
年二十四歲不孝年僅四歲耳呱呱而泣依然襁褓
甫離啞啞而啼莫識劬勞之苦吾父嘗撫不孝而泣
曰汝母生汝四歲而卽世母之勤劬汝未之知也吾


莫氏宗譜
卷一
為汝述之汝誌之勿忘不孝未知吾父之言之悲也
今吾父亦卽世矣回思先父之諄諄爲不孝告者其
意有在嗚呼自先慈周孺人之棄不孝二十有七年
今猶得護門庭守魚菽之祭者皆孺人栽培之力有
以致之也每一思及蹙然忘生今值重修家乘謹遵
先父之爲不孝告者姑泣血以識其行畧云
光緒歲次戊寅孟夏之月

不孝男天保百叩識

泰熹莫公傳

補

莫公諱泰熹字元貞惟翁公仲子也惟翁公已見於
壽序而泰熹公人亦以白眉稱兄元貴弟元富皆端
謹有法公性孝友聲名出昆季上其處家也恩至而
義盡家人嗃嗃中外無間言與人交久而彌信外嚴
毅實和易近人於人不苟欺人亦未有欺之者人比
諸陳太邱王彥方云咸豐六年邑旱蝗民苦饑無復
人色城開常平倉以賑卹而思惠不及遠鄉公家不中
貲毅然以捐賑爲倡首樂輸者亦踴躍從事募米得



百鍾留養亦不下數百口他境或道殣相望自城以東無餓殍皆公力也大吏獎其善保舉

恩賚八品


職銜公猶以叨竊爲忝余嘗驅車至東郭一二父老每嘖嘖稱公之德勿衰及至粵逆之南竄也而我公年已七十餘矣邑中扶義之士鄉設團團有長公嘗勉之曰從賊死也殺賊亦死也與其求生而得死孰若從死中求生且辱而生誠不如義而死耳左右皆慷慨泣數行下士益勵而東團遂爲闔邑雄然公名益高而禍實益亟果不屈以罵賊死時在咸豐之庚

申歲殉年七十有五嗚呼士窮乃見節義自粵逆淪
陷以來拖長紳擁大纛昂昂乎丈夫之氣者或屈膝
迎附卽高談氣節之士亦或洗腆而不知羞聞我公
之風可少愧矣公有子三孟超仲超季超亦謹厚生
孫五人有孝弟力田之科曾孫四人皆頭角嶄然其
厚樹讀書尤聰穎足見公之貽澤孔修而未艾也唯
二子仲超君爲余往來甚稔今夏莫氏輯家譜其孫
豐發豐登請傳於余余卽高公之義而不慚弁陋援
筆特書以爲傳則百世後見奇節長留於天壤間者

可以扶紀綱而作忠義之氣也公得垂以不朽矣夫
光緒歲次戊寅清和月下浣之吉

賜進士出身敕授文林郎浙江卽用知縣路履祥拜

撰



兆吉公傳

余受業書雲戴先生于沽瀆里之西莫吳君蔭堂家
里之東距半里曰會龍橋橋之西兆吉家焉兆吉蔭
堂之故人也蔭堂有酒食必邀至館豪飲暢談性情
溫厚舉止大方晏如也而先生亦時時往拜既粵逆
自荆襄下邑東士民酷遭蹂躪東奔西竄寒暑相隔
或四五載而兆吉與蔭堂亦相繼謝世矣賊平後蔭
堂子煥新余同硯弟也歸自上洋再新輪渙邀余重
遊茶未罷適莫君玉山至其談肺腑曲訴炎涼慨然想

見兆吉與先生舉杯邀月夜話連床之會何其辭之
壯而情之慷也曾幾何時而其人不可復見矣竊恨
余生也晚未詳兆吉之究竟并不知其爲玉山之父
爰殷殷進質玉山潛然流涕曰先君子于庚申年去
世何君猶嘖嘖于口也先嚴諱兆吉字勝明幼失怙
祖母裴孺人青年矢志撫長成人延師授讀先嚴天
資敏達克體母志以孝著慈母吳孺人贊襄內政莫
不井井有條家聲重振廣置里田咏斯干者再歌厦
屋者三節器用而好施予尙惻惻而戒浮華與吳君

蔭堂書雲先生相善叨參驥尾對影無愧三人問辱
鴻才感遇猶深千載畧陳梗概負罪彌深敢乞一言
垂示後世未敢爲家乘光也君其下賜否余拂衣起
謝曰與君一夕話勝讀十年書今而恍然于公之爲
公而不禁棖觸于懷也嗚呼庸俗之士合汚同流盜
虛名于當世而隨聲附和者爭相誇耀獨至砥節礪
行之儒落落寡合而腐儒俗子轉不得白其所長以
光後世而則效無窮可慨也哉書有之曰根之固者
葉之茂積之厚者流之光今公之子玉山字豐陽書

香克紹特雅文苑之才次子豐仁堂構相承永作克
家之主今日壘吹篴和依然食舊德而服先疇他年
陟衍瓜綿預卜垂後昆而光門戶謂非源遠流長幽
光必發之徵歟謹傳其事不事增華倘諸君子賜加
筆削不惜潤飾之才非惟余之幸抑亦公之幸也夫
復何言

光緒歲次戊寅孟夏之吉

世姪劉維翰拜撰

烈女傳

女姓談氏景高公之嫡出也幼失恃景高公以父兼
母鞠育之俾至成人字莫氏書原翁長子伯生公嗣
子東林子歸有日矣其夫病故女泣曰夫者天也天
既殞矣奴獨何生遂縊而死翁聞而憐之爲具衣衾
棺槨行納婦禮而與子同穴焉女幼習勞動操井曰
美機杼嚴冬盛暑不輟也居恒訾笑不苟朝夕勤動
未嘗有疾言遽色偶值鄉里遊戲事勿寓目焉女之
素行若此此其安貞之德有本於性生者也夫未沒

時使有來告女嘆曰熒熒在疚無母何恃慨其姑之
弗祿也因飲血不能語迨凶聞至而女竟溘然長逝
矣嗚呼天下之遭不幸如女者衆矣遭不幸如女而
其處不幸不必如女之烈者亦衆矣易曰二女同居
其志不同行如女之志其孰能同之說者謂女之志
烈矣使其奔喪而逝不尤愈乎况當時女家中饋乏
人女往紀內政俾其翁無內顧憂是誠喪子而得婦
也嗟乎人固難於自決耳女之自決如此猶有可議
其他則又何說東林胞弟效林今且有室矣俟其生

男而爲之嗣異日者春秋俎豆來格來享其亦可無憾矣乎丁亥春莫氏議修宗譜書原翁欲傳其事請於予予旣嘉女之舍生取義克振其家聲而又知翁之重義輕財不忘其婦志也於是乎言

道光歲次丁亥清和月

歲進士錢步瀛撰

五
上
分
部

卷
一



天茂公傳

公諱崇銘字天茂號如德九程公生子三公其次也
幼讀書因家道不豐就耕棄讀性敦篤喜怒不形於
色有橫逆輒怡然受之故鄉鄰有鬪者得公言卽解
其和厚之見信於人也類如有立志非義之財決
不取起家以勞苦嘗謂勤且儉卽困當亨惰而奢雖
豐必約此天理之自然人事之不爽者也以故力耕
胝雖酷暑嚴寒不少閒居家訓子弟以嚴約而事母
許太孺人惟謹配周孺人以勤勞佐公有賢德年八

十而卒生子二長隆和死難次隆禮早卒享年六十
歲嗚呼余與公世之相後也數十年地之相去也數
十里亦烏能知公而爲序其事今年夏莫氏宗譜告
成公文孫泰來乞傳於余并欲爲周孺人傳余不文
亦何足以傳公第卽公之所不可沒而泰來所口述
者書而誌之敢云傳哉

光緒四年歲次戊寅夏五月

邑增生徐炳榮拜撰

忠堂公傳

忠堂公如德公之長子也余爲如德公立傳因得盡悉其家世行事公諱隆和字愷中晚號忠堂蓋取忠於朝堂之義則其志存乎報國也久矣幼讀書以善事父母聞因名之不成棄學專力耕耘性慷慨好施予鄰里有困乏輒濟之事疑難必取公言以爲決亦見其胸懷磊落直躬而行取信於人者有素也負膽氣膂力過人艱鉅事獨任之而不辭以故鄉里性命是聽焉庚

申城陷後賊蹂躪北鄉公卽糾集同志守禦於
社瀆橋附近居鄉賴以安堵者不少後數日賊
衆蟻聚勢不敵公力與格身鬪被重傷殉焉時
年五十歲亂平當道採訪公死難情節聞於

朝例旌忠義崇祀兩邑昭忠祠此亦足少慰公靈於
地下矣配蔣孺人持家有度生子三長泰來次
泰同被亂相失幼泰靈早卒孫男兆章泰來出
余初遇泰來卽喜其人忠厚老成心無私曲及
其述祖若父行畧又深喜泰來之能世其德云

譜牒散佚爰商之房長族眾族眾之踴躍從事一如
興祠宇時則翁之篤於報本者又如此夫報本親親
之仁也孔子曰仁者壽宜翁之年居古稀精神矍鑠
天之所以報翁者殆未有艾夫

光緒四年歲次戊寅孟夏月

邑庠生歐陽奎拜撰



泰富公傳

傳者傳也傳其真也苟失其真雖鋪張揚厲鞏悅其詞累牘連篇洋洋灑灑驟而觀之洵鉅製也洎詢其鄉評核其事跡較之著於篇者不盡脗合甚至有犬相刺謬者噫是不真也傳奚爲焉故丹青家繪像曰傳真昔人有求繪父母遺像而不神似曰不似我父母卽爲他人父母矣遂不繪此頰上添毫輕雲蔽月丹青所以貴得其真也歲戊寅余授經武林夏仲有友寓書來以泰富莫公傳誦諉其書云公之爲人無


奇節異行可紀一勤字庶幾不負耳自幼與黃口兒
入冬學人皆習於竹馬嬉戲雖施以夏楚猶不肯竟
學公獨朝夕伊唔未嘗少休此公之勤於讀如此迨
稍長畎畝操作墾艾荒蕪首戴茅蒲身衣襤褸手胝
足胼不敢告勞此公之勤於耕如此卽歲晚務閒風
雨晦暝亦汔可小休時也公猶索綯織屨每至丙夜
此公之勤於家政也人間以事情代斲公雖繭足瘠
口未嘗辭勞亦無德色此公之勤於交際也恐祇此
尙不足傳公余曰卽此可以傳公矣無他得其真也

奚粉飾爲遂作此以貽之

皆


光緒四年歲次戊寅孟夏月

邑庠生歐陽奎拜撰



92

泰富公傳



秦彙翁六旬壽序

凡事之藉力征經營而得者皆可勉而能而惟壽不可以強而致然則壽由於天非人之所能爲也抑知

天定勝人人定亦能勝天考之說文壽酬也酬其人
之德也又受也其人德足以受之斯壽而減壽而富
壽而艾頤養天和逍遙杖履豈不足蔚爲人瑞哉秦
彙莫翁世居東沽瀆滙先世故以業農起家家號素
封迭經粵匪肆虐家遂中落甲子蕩平後披荆棘斬
草萊田園荒蕪者日就墾闢雖年幾大衍而摩蜃而


耕暴背而耨戴月披星口不言勞綿力少壯每自愧
不如遠甚督率子若弟勤力操作尤不假辭色迄今
家業蒸蒸日上昔翁節衣縮食茹苦含辛之所致也
處庭幃間雍雍穆穆太和翔洽杖履無不得其任與
人交如飲醕醪人望而知爲忠厚長者馬少游所云
鄉里稱善人翁殆其人耶翁今年週花甲於其懸弧
之辰戚党皆庀羊酒奉羔雁登堂効祝甚盛事也余
不文敢進蕪詞何足以重公祇以天所以酬之與翁
之所以愛之者當自有在故書此以貽之以爲他日

耄耋期頤券云

皆

光緒四年歲次戊寅孟夏月

邑庠生歐陽奎拜撰




94

泰翁六旬壽序

昭賢堂

卷七



節母蔣孺人傳


讀易之節卦知有限而不可踰之意爲卦坎上兌下
澤節水水之流也無窮而澤之流也有限以有限畜
無窮故曰節而節之彖曰苦節不可貞蓋言節有亨
義流通則味甘流塞則味苦概言事理則不可守以
爲常若婦人早失所天則若節可不守以爲常乎束
沾瀆滙蔣孺人苦節也三十而寡屢欲以身殉勺飲
不入口晝夜哀慟行路爲之酸鼻姊妹娣姒百方勸
慰終不省迨終喪哭泣之哀一如新喪時姻戚相與

莫比完言
卷一
謀曰孺人未育子女他日苦無依倚哀終不忘今盍
以猶子兆明嗣膝下或者哀稍忘乎遂以此說嘗孺
人孺人似首肯姻戚咸其事孺人果稍慰於是保抱
攜持出入顧復以長以教無異所生迨授室後兆明
勤操作奉甘旨未嘗有缺媳亦善事其姑孺人頗安
其養然歲時腰臘痛失所天泣涕如雨數十年如一
日也年七十某月日溘然逝嗚呼若孺人者非深明
乎從一而終限而不可踰之義安得守苦節之貞四
十年哉

晉

光緒四年歲次戊寅孟夏月

邑庠生歐陽奎拜撰



96

莫氏宗譜


卷七

節母蔣孺人傳

二

莫氏宗譜

五
上
卷
一



[Faint, illegible text in vertical columns, likely bleed-through from the reverse side of the page.]

明高莫翁序

人亦貴自樹立耳上之希賢希聖入古人之室登大
雅之堂次之立德立功姓名勒于鼎鐘勲業載于旂
常又其次者言信行果不能有爲于其國必欲有爲
于其家而一事一行有益于鄉黨宗族亦不聽其湮
沒而無聞至翁誠不愧爲一鄉之善人也翁名明高
剛方出言正直有剛者之氣象焉少時家徒壁立衣
食給故未能少讀詩書及力成家翁事亦見其忠且

誠同治年議建大宗祠議定緒光年修輯宗譜翁亦
朝夕贊襄其事至于慷慨性成樂善好施尤人所共
知而時爲之序云

光緒歲次孟夏之月

壽母莫母董孺人傳

董孺人沽瀆滙桂芳莫公之繼室也年旣笄歸于公
公原配盧孺人生男子二曰順興曰士興女子二孺
人視之如自己出操井曰勤紡織朝饗夕飧夏葛冬
襖隨時就理令無啼飢號寒之患桂芳公心甚安之
曰吾有此婦吾無憂矣閱十餘年孺人生女子三男
子一男曰如印才三歲而桂芳公卽世孺人時年三
十餘耳盧孺人所生男女婚嫁已畢順興士興桂芳
公在已析居孺人所居屋數椽所佃田數畝孀孤共

五人身家衣食之計時時告繼加之天災流行丙午
之歲大旱歲祲人皆無以爲生孺人安貧守困矢志
撫孤謀衣謀食皆出自十指間如是者幾二十年乃
克合女有家令男有室顧生計日感勸勞如故至抱
孫而始一解頤後爲孫延師師卽予友宇行盧兄於
原配盧孺人屬從孫行予訪盧兄曾一至其室顧於
孺人苦志未之悉也旣余舅氏鳴佩公第三女適其
孫生三子長曰豐高復從盧兄習句讀予復訪盧兄
於其家如卽翁以親戚故留予宿因備述孺人苦節

時孺人歿已二十餘年矣惜限於例不得題請然而其志有苦於符例者故備述之俾其子孫毋忘焉孺人卒於道光五年乙酉距生於乾隆十六年辛未壽七十有五凡稱未亡人四十年卒時曾孫一曰豐進順興長孫也予外妹所適曰寅元時尙未有子予皆生於孺人歿後云


論曰聞孺人卒時家尙窶甚卒後家漸充裕外妹生三子皆醮篤異常兒豈天之苦其節者必阨之於終身而特貽餘慶于後人與古人云爲善無不報善不

外於倫常孺人之所係盡倫常之要者卒能維之使
不壞嗚呼其可敬也夫其可量也夫

昔

道光歲次戊申孟夏月


姻再姪邵蘇門拜稿




昔

光緒四年歲次戊寅孟夏月

邑增生徐炳榮拜撰



100



周孺人八十壽傳

如德公配周孺人固太學生觀蘭公之女也觀蘭公
家教不弛尤嚴閨訓故孺人雖未讀詩書而多嫻內
則方孺人之歸莫氏也家猶約孺人躬親操作靡事
不爲無所怨常脫簪釵以助養故鄉鄰以能事舅姑
稱而如德公之家業稍起亦大抵得內助之力居多
性和順寡笑語待人有限處妯娌無閒言故終其身
未嘗與內外人有詬誶聲而治家以嚴整庭除常肅
然相夫教子不專於慈後如德公卒年已六旬餘而


身氏宗譜 卷十
勤主家政不異年少時壽逾花甲參之一其孫泰來
慮歷久弗彰因堅屬余別爲孺人八十壽傳余因撮
其善而銘之曰

莫氏將昌得婦賢良平西後裔淑女孔揚善事姑舅
歡博高堂勤勞不倦家道以康溫和慈厚言語端詳
寬容必久天理有常壽登八十雖耄猶強含飴繞膝
羅列成行斷機投杼教以義方捐身死難姓氏猶香
才慚謏陋未足褒彰姑拾俚詞以見和順之實爲婦
德用誌家乘而不忘

峇

光緒四年歲次戊寅夏五月

邑增生徐炳榮拜撰



周孺人八十壽傳

氏宗譜



